



URDHËR

Nr. 86, Datë 24/08/2015

Për kriteret dhe procedurat e pranimit dhe regjistrimit të kandidatëve që aplikojnë për transferim të studimeve dhe për program të dytë studimi, në programet e ciklit të parë të studimeve, me kohë të plotë, në vitin akademik 2015 – 2016, në fakultetet e Universitetit të Arteve

Në bazë të ligjit nr. 9741, datë 21.05.2007 "Për arsimin e lartë në Republikën e Shqipërisë", i ndryshuar, VKM nr. 638, datë 22.7.2015, "Për kuotat e pranimit në institucionet publike të arsimit të lartë në programet e studimeve të ciklit të parë, në programet e studimeve jouniversitare profesionale dhe në programet e integruara të studimeve të ciklit të dytë, me kohë të plotë, si edhe tarifat e shkollimit për vitin akademik 2015 – 2016", Udhëzimit nr.24, date 31/07/2015, të MAS, "Për zhvillimin e konkurseve të pranimit dhe tarifën e regjistrimit për konkurim në disa programe studimi të ciklit të parë me kohë të plotë, në institucionet publike të arsimit të lartë, për vitin akademik 2015 – 2016", Udhëzimit nr.28, date 19.08.2015 të MAS, " Për kriteret dhe procedurat e pranimit dhe rregjistrimit të kandidatëve që aplikojnë për transferim të studimeve dhe për program të dytë studimi, në programet e ciklit të parë të studimeve, në programet e studimeve jouniversitare profesionale dhe në programet e integruara të studimeve të ciklit të dytë, me kohë të plotë, në vitin akademik 2015 – 2016, si dhe të nenit 39, të Statutit të Universitetit të Arteve,

URDHËROJ:

1. Dekanët e Fakulteteve të marrin masat e nevojshme organizative, që kandidatët që konkurrojnë për transferim të studimeve dhe për program të dytë studimi, në fakultetet e UART, t'u krijohet mundësia e rregjistrimit;
2. Studenti që aplikon për transferim studimesh, paraqet dokumentacionin pranë sekretarive të fakulteteve si më poshtë:
 - a. Kërkesë drejtuar UART, për programin e studimit;
 - b. Dokumentin origjinal i ç'regjistrimit, nga IAL nga ku transferohet (*paraqitet në momentin e rregjistrimit përfundimtar pas shpalljes fitues*) i cili përmban:
 - i. Emri, Atësia, Mbiemri;
 - ii. Datëlindje;
 - iii. Vendlindje;
 - iv. Shtetësia;
 - v. Numri i matrikullimit që ka pasur në IAL – në përcjellëse;
 - vi. Emri i shkollës së mesme/IAL-së së kryer përpara ndjekjes së këtij programi studimi;
 - vii. ID e Maturës Shtetërore/nr.Regj.të veçantë. (*për kandidatët që kanë mbaruar shkollën e mesme para vitit 2006*);
 - viii. Numri personal i identitetit;
 - ix. datë e regjistrimit në programin e studimit të ofruar nga IAL-ja;
 - x. Emërtimi i programit të studimit dhe Fakulteti përkatës;
 - xi. Cikli dhe forma e studimit;
 - xii. Data e ndërprerjes së studimeve.



- c. Plani i plotë i programit të studimit përfshirë dhe syllabuset përkatëse;
- d. Vërtetim të listës së notave dhe krediteve të fituara për çdo lëndë dhe detyrim të shlyer, i cili do të shërbejë për ekuivalentimin e notave të lëndëve të programit të studimit të ndjekur;
- e. Kopje të noterizuar të diplomës së Maturës Shtetërore së bashku me certifikatën e notave, ose të një dëftese/diplomë tjetër studimi të fituar jashtë vendit, të vlerësuar të barasvlershme me atë në Shqipëri dhe të njohur nga Ministria e Arsimit dhe Sportit (MAS). Kandidati që ka përfunduar shkollën e mesme në Republikën e Shqipërisë përpara vitit 2001, të dorëzojë fotokopje të noterizuar të dëftesës së pjekurisë të shkollës së mesme. Në mungesë të diplomës së Maturës Shtetërore apo dëftesës së pjekurisë së shkollës së mesme duhet të paraqesë, respektivisht, vërtetim notash të Maturës Shtetërore të lëshuar nga AKP, ose dublikatë të dëftesës së pjekurisë të lëshuar nga drejtoria e shkollës së mesme dhe të vërtetuar në Drejtorinë Arsimore Rajonale/ Zyra Arsimore përkatëse, ose listën e notave të shkollës së mesme të lëshuar nga Arkivi i Shtetit;
- f. Fotokopja e dokumentit të identifikimit (kartë identiteti, letërnjoftim ose pasaportë);
- g. Pagesën e tarifës së regjistrimit prej 3000 lekë;
- h. Dy fotografi personale;

3. Studenti që aplikon për program të dytë studimi nuk duhet të jetë duke ndjekur një tjetër program studimi. Për të aplikuar, studenti duhet të ketë përfunduar një program studimi të të njëjtit cikël dhe lloj dhe të disponojë diplomën përkatëse të vlefshme në Republikën e Shqipërisë. Studenti paraqet dokumentacionin e mëposhtëm pranë sekretarive mësimore që mbulojnë programin përkatës të studimeve:

- a. Kërkesa drejtuar UART (fakulteti përkatës), për programin e studimit, në të cilin aplikon për program të dytë studimi (ose formulari i aplikimit);
- b. Kopje e noterizuar e diplomës së studimeve universitare të kryera më parë, për të njëjtin nivel dhe lloj programi studimi, të shoqëruar me suplementin e diplomës;
- c. Vërtetim të listës së notave dhe krediteve të fituara për çdo lëndë dhe detyrim të shlyer, i cili do të shërbejë për ekuivalentimin e notave të lëndëve të programit të studimit të ndjekur (nëse kërkohet njohja e provimeve të shlyera dhe/ose e krediteve përkatëse);
- d. Kopje të noterizuar të diplomës së Maturës Shtetërore së bashku me certifikatën e notave, ose të një dëftese/diplomë tjetër studimi të fituar jashtë vendit, të vlerësuar të barasvlershme me atë në Shqipëri dhe të njohur nga Ministria e Arsimit dhe Sportit (MAS). Kandidati që ka përfunduar shkollën e mesme në Republikën e Shqipërisë përpara vitit 2001, të dorëzojë fotokopje të noterizuar të dëftesës së pjekurisë të shkollës së mesme. Në mungesë të diplomës së Maturës Shtetërore apo dëftesës së pjekurisë së shkollës së mesme duhet të paraqesë, respektivisht, vërtetim notash të Maturës Shtetërore të lëshuara nga AKP, ose dublikatë të dëftesës së pjekurisë të lëshuar nga drejtoria e shkollës së mesme dhe të vërtetuar në Drejtorinë Arsimore Rajonale/ Zyra Arsimore përkatëse, ose listën e notave të shkollës së mesme të lëshuar nga Arkivi i Shtetit;
- e. Fotokopja e dokumentit të identifikimit (kartë identiteti, letërnjoftim ose pasaportë);
- f. Pagesën e tarifës së regjistrimit prej 3000 lekë;
- g. Pagesën e tarifës për konkurrim prej 5000 lekë për pranimin në konkurs;
- h. Dy fotografi personale;



4. Të gjitha tarifët e regjistrimit për konkurrimin në programet e ndryshme të studimit të ciklit të parë me kohë të plotë të arkëtohen nëpërmjet sistemit bankar ose zyrave të postës shqiptare, për llogari të Universitetit të Arteve;
5. Konkursët e pranimit, në fakultetet e UART, të zhvillohen sipas përcaktimeve në Urdhërin nr. 74, datë 31/07/2015 "Mbi masat e mara për zhvillimin e konkurseve të pranimit dhe tarifën e regjistrimit për konkurrim, për ciklin e parë të studimeve më kohë të plotë, për vitin akademik 2015 - 2016, në fakultetet e Universitetit të Arteve" ose Udhëzimit nr.24, datë 31.07.2015 (MAS);
6. Fakultetet në UART, shpallin listat e kandidatëve që kanë aplikuar për transferim studimesh dhe ato të kandidatëve që kanë aplikuar për program të dytë studimi në vende të dukshme, brenda datës 11 shtator 2015 dhe Rektorati i përcjellë ato në MAS, brenda kësaj date;
7. Aplikimet për transferimin e studentëve dhe për program të dytë studimi shqyrtohen nga komisioni/komisionet të ngritur në çdo fakultete të UART, për këtë qëllim, brenda orës 11-⁰⁰ të datës 18 shtator 2015. Komisionet kryejnë vlerësimin e dosjeve në zbatim të kuadrit ligjor në fuqi, si dhe kritereve të miratura me VS, të cilat duhet të shpallen brenda datës 31 gusht 2015, dhe t'i bëhen me dije të gjithë kandidatëve që aplikojnë në momentin e aplikimit, së bashku me pikët vlerësuese për çdo kriter vlerësimi;
8. Komisioni kryen renditjen e kandidatëve bazuar në pikëzimin për çdo kriter vlerësimi, e cila shpallet nga Dekani i Fakultetit në mjediset e fakultetit, si dhe faqen e internetit të UART, sipas tabelave nr. 1a dhe 1b të parashikuara në shtojcën nr.1 të udhëzimit nr.28, dt.19.08.2015 (MAS), brenda datës 22 shtator 2015, si dhe i dërgohen MAS të plotësuar sipas formateve, bashkëlidhur, në formë shkresore dhe elektronike excel;
9. Kandidatët fitues kryejnë regjistrimin e tyre përfundimtar në Fakultetet e UART, nga data 29 shtator 2015 deri në datën 05 Tetor 2015. Në datën 06 Tetor 2015 UART (fakultetet) shpallin kandidatët fitues të rregjistruar në vende të dukshme. Ato dërgohen menjëherë në Rektorat dhe publikohen në faqen e internetit të UART. Rektorati ia përcjell MAS elektronikisht në adresën: linda.pustina@arsimi.gov.al dhe dhimiter.bako@arsimi.gov.al, listën emrore të kandidatëve të regjistruar.
Në çdo rrethanë afati i fundit për regjistrimin e kandidatëve është datë 12 Tetor 2015;
10. Fakultetet/ UART i dërgojnë MAS-it dhe AKP- së brenda datës 16 Tetor 2015, në rrugë postare, listën e studentëve të regjistruar, në formë shkresore dhe elektronike në formë Excel, me qëllim paisjen me numër matrikullimi. Për të gjitha emrat e studentëve të dërguar pas kësaj date nuk do të procedohet me dhënien e numrave të matrikullimit;
11. Në të gjitha rastet, kandidati duhet të nënshkruajë deklaratën e Shtojcës nr.2 të këtij Urdhëri;
12. Ngarkohen për zbatimin e këtij Urdhëri, zv./rektori për anën mësimore, Dekanët e fakulteteve, Kancelari, Dr. Ekonomike, Sektori mësimor, Sektori i Statistikës, sekretaritë e fakulteteve, sektori i IT.

Ky urdhër hyn në fuqi menjëherë.


Prof. Petrit MALAJ
REKTOR
UNIVERSITETI I ARTEVE
TIRANË

Deklaratë

Unë i nënshkruari _____, lindur më _____
emri atësia mbiemri

me kartë identiteti/pasaportë nr. _____

1. Autorizoj institucionin e arsimit të lartë _____ Ministrinë e Arsimit dhe Sportit dhe Agjencinë Kombëtare të Provimeve për trajtimin e të dhënave të mia personale në kuadër të aplikimit dhe regjistrimit për vazhdimin e studimeve universitare në Institucionin e sipërcituar, si dhe publikimin eventual të tyre.
Autorizoj, gjithashtu Ministrinë e Arsimit dhe Sportit dhe Agjencinë Kombëtare të Provimeve për kryerjen e të gjitha verifikimeve dhe marrjen e të gjitha informacioneve lidhur me: studimet universitare ku kam aplikuar për t'u regjistruar, periudhën e studimeve të kryera më parë, dhe çdo lloj verifikimi tjetër që lidhet me sa më sipër.
2. Deklaroj se nuk kam aplikuar për t'u regjistruar në asnjë institucion tjetër të arsimit të lartë, për vitin akademik në të cilin po aplikoj.
3. Deklaroj se nuk po ndjek ndonjë program tjetër studimi në institucione të tjera të arsimit të lartë, dhe se nuk do të ndjek njëkohësisht një program tjetër studimi, deri në përfundimin e programit të studimit ku po aplikoj.
4. Deklaroj se jam njohur me Udhëzimin "Për kriteret dhe procedurat e pranimit dhe regjistrimit së kandidatëve që aplikojnë për transferim të studimeve dhe për program të dytë studimi, në programet e ciklit të parë të studimeve me kohë të plotë, në programet e studimeve jouniversitare profesionale dhe në programet e integruara të studimeve të ciklit të dytë, në vitin akademik 2015-2016" dhe jam i qartë për procedurat e aplikimit për transferim/program të dytë studimi, si dhe plotësoj kriteret e parashikuara në Urdhrin "Për shpërndarjen e kuotave të transferimit të studimeve, si dhe kuotat për programe të dyta studimi, në programet e ciklit të parë të studimeve me kohë të plotë, në programet e studimeve jouniversitare profesionale dhe në programet e integruara të studimeve të ciklit të dytë, në vitin akademik 2015-2016", për të aplikuar për transferim studimesh/program të dytë studimi.
5. Deklaroj se jam njohur në momentin e aplikimit me kriteret e tjera shtesë të miratuara në statutin apo rregulloret përkatëse të IAL-së dhe të programit të studimit, si dhe me pikët vlerësuese për çdo kriter vlerësimi, dhe jam dakord për sa më sipër.
6. Deklaroj vërtetësinë e të dhënave dhe dokumenteve të paraqitur. Jam i vetëdijshëm se, në rast deklarimi të të dhënave të pavërteta apo të paraqitjes së dokumentave të fallsifikuara apo me të dhëna jo të vërteta, jam subjekt i masave të parashikuara në Kodin Penal dhe aktet e tjera ligjore e nënligjore në fuqi. Në rast dyshimi për vërtetësinë e informacionit të deklaruar, Ministria e Arsimit dhe Sportit dhe/ose Agjencia Kombëtare e Provimeve dhe/ose IAL-ja nisin procedurën e kontrollit të tyre duke ia përcjellë këto të dhëna eventualisht edhe organeve kompetente.

Emër Atësi Mbiemër
i kandidatit

Firma

Emër Mbiemër
i punonjësit të sekretarisë mësimore

Firma

Vendi: _____ Data: _____